



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

06.07.2022

154-tm-son

### **Talabalar safidan chetlashtirish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Universitetda yuqori malakali va halol yuridik kadrlarni tayyorlash uchun halollik talablariga qat'iy rioya qilish tizimi yaratilgan.

Shunga qaramasdan ayrim talabalar tomonidan universitet Akademik halollik talablari hamda Odob-axloq kodeksini buzish holatlari kuzatilmoqda. Xususan, 2021/2022 o'quv yili bahorgi semestrida 1-kurs talabarlari tomonidan maxsus jihozlangan auditoriyalarda elektron ta'lim platformasi orqali kompyuterda o'tkaziladigan yakuniy nazorat yozma ishlarini topshirish jadvaliga muvofiq 2022-yil 13-iyun kuni yuristlar uchun xorijiy til fanidan o'tkazilgan yakuniy nazorat imtihoniga Xususiy huquq fakulteti 1-kurs talabasi Raimov Nurbek Abdusalom o'g'lining o'rniga Jinoiy odil sudlov fakulteti 1-kurs V potok 1-guruh talabasi Qulpiddinov Lutfillo Xayrullo o'g'li kirganligi auditoriya nazoratchilari va kuzatuvchilari tomonidan aniqlanib tegishli tartibda rasmiylashtirilgan. Mazkur holat talabalarning pushaymonlik bilan tan olib yozgan tushuntirishlarida ham tasdiqlangan.

Toshkent davlat yuridik universiteti Akademik halollik talablarining 21-bandida "boshqa shaxs sifatida namoyon qilish – imtihonlar, test sinovlari, laboratoriya ishlari yoki boshqa topshiriqlar paytida akademik imtiyozlarni qo'lga kiritish uchun o'zini boshqa shaxs sifatida namoyon qilish yoki o'z o'rniga boshqa shaxslarni kiritish" akademik nohalollik sifatida belgilangan.

Mazkur Akademik halollik talablarining 38-bandi to'rtinchi xatboshisida talabalarning 21 va 24-bandlarida nazarda tutilgan nohalollik (qoidabuzarlik)ga yo'l qo'yish – talabalar safidan chetlashtirish uchun asos bo'lishi ko'rsatilgan.

Talaba o'zining yuqoridagi xatti-harakatlari bilan universitet Akademik

halollik talablarining 21-bandida akademik nohalollik sifatida belgilangan xatti-harakatni sodir etgan hamda Toshkent davlat yuridik universiteti Odob-axloq kodeksining 8-moddasi (Universitet xodim, talaba va doktorantlari o'z xizmat va o'qish faoliyatlarini amalga oshirishda adolatli, halol va xolis bo'lishlari); 10-moddasi (xodim, talaba va doktorantlar korrupsiyaga qarshi kurashishlari va uning profilaktikasiga faol ko'maklashishlari, shuningdek, Universitet korrupsiyaga qarshi kurashish Dasturi va Toshkent davlat yuridik Universiteti xodim, talaba, o'quvchi va doktorantlari tomonidan korrupsiyaviy huquqbuzarliklar sodir etishga og'dirish maqsadida murojaat qilish holatlari haqida xabardor qilish to'g'risida Nizom talablarini so'zsiz bajarishlari, o'z faoliyatlarini oshkora va adolatli amalga oshirishlari, yuqori axloqiy qadriyatlar va prinsiplarga sodiq qolgan holda qonun ustuvorligiga qat'iy rioya etishlari shart); 26-moddasi (Xodim, talaba va doktorantlar: qonun hujjatlari va mazkur Kodeks talablariga rioya etishga; doimo yuksaklikka intilish, halollik va adolat bilan hayot kechirish kabi olijanob fazilatlarni chuqur anglashga; odob-axloqqa oid milliy an'analarimiz, urf-odat va qadriyatlarimizni hurmat qilishga; o'z ustilarida doimiy ravishda ishlash va qabul qilinayotgan qonun hujjatlarini muntazam ravishda o'rganib borishga; o'z vazifalarini vijdonan, professional darajada amalga oshirishga; shaxsiy foydasi hamda o'zgalar manfaatini ko'zlab o'z mavqeini suiiste'mol qilmaslik); 27-moddasi (talabalar yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslik)da belgilangan qoidalarni qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, O'zbekiston Respublikasi Vazirlar Mahkamasining 2021-yil 10-iyundagi "O'zbekiston Respublikasi adliya vazirligi tizimidagi ta'lim muassasalarida kredit-modul tizimini joriy etish chora-tadbirlari to'g'risida"gi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomning 43-bandining to'rtinchi xatboshisi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Akademik halollik talablarining 21, 38-bandlari, Odob-axloq kodeksining 8, 10, 26, 27-moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan, shuningdek 2022-yil 23-iyundagi universitet Odob-axloq komissiyasi yig'ilishining 13-son bayoni va 2022-yil 24-iyundagi universitet O'quv-uslubiy kengashining 4-son bayonnomasi xulosalariga muvofiq,

**B U Y U R A M A N:**

1. Universitetning Jinoiy odil sudlov fakulteti 1-kurs V potok 1-guruh talabasi Qulpiddinov Lutfillo Xayrullo o‘g‘li talabalar safidan chetlashtirilsin.

2. Fakultet dekanlari (Sh.Saydullayev, D.Kamalova, D.Umarxanova, B.Musayev) mazkur buyruq mazmun-mohiyatini talabalar e‘tiboriga yetkazilishi va har bir akademik guruhda keng muhokama qilinishini ta‘minlasin.

3. Jinoiy odil sudlov fakulteti dekani (D.Kamalova) mazkur talabaning shaxsiy hujjatlar yig‘majildiga buyruq nusxasi tikilishini ta‘minlasin.

4. Mazkur buyruq ijrosini nazorat qilishni o‘z zimnamda qoldiraman.

**Rektor**



**A.TASHKULOV**

Toshkent shahar

### **Kiritildi:**

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



### **Kelishildi:**

O'quv ishlari bo'yicha prorektor - TDYuU qoshidagi akademik litsey direktori

I.RUSTAMBEKOV



Direktor

X.PIRMEDOVA



Bosh buxgalter

M.PARPIYEV



Boshqarma boshlig'i

S.BOZAROV



Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Markaz direktori

S.MAMANAZAROV



Katta yuriskonsult

E.XOSILOV

